

10-07-2023  
Verme

Na osnovu člana 24. Zakona o unutrašnjim poslovima Unsko-sanskog kantona («Službeni glasnik Unsko-sanskog kantona» broj: 13/16,16/17), ministar Ministarstva unutrašnjih poslova Unsko-sanskog kantona, d o n o s i:

## ODLUKU

### I

Ministar Ministarstva unutrašnjih poslova će odabir najuspješnijeg kandidata sa Lista uspješnih kandidata koji ispinjavaju sve uvjete Javnog oglasa i Ispravke Javnog oglasa, i to:

- Javnog oglasa broj: 05-03-30-339/23 od 24.05.2023.godine i Ispravke Javnog oglasa broj: 05-03-30-339/23 od 31.05.2023.godine, za pozicije 01. Viši referent za informisanje i akviziciju, 02. Viši referent za prijave, objave prebivališta, boravišta građana, izdavanje LK i određivanje JMB u Odsjeku za administracija Bosanska Krupa i 03. Viši referent za putne isprave u Odsjeku za administraciju Bosanski Petrovac,
- Javnog oglasa broj: 05-03-30-338/23 od 24.05.2023.godine i Ispravke Javnog oglasa broj: 05-03-30-338/23 od 31.05.2023.godine, za pozicije 01. Viši referent za otvaranje i signiranje pošte u Odsjeku za administracija Velika Kladuša i 02. Viši referent za otvaranje i signiranje pošte u Odsjeku za administracija Bužim,
- Javnog oglasa broj: 05-03-30-337/23 od 24.05.2023.godine i Ispravke Javnog oglasa broj: 05-03-30-337/23 od 31.05.2023.godine, za pozicije 01. Viši referent – tehnički sekretar u Sektoru za pravne poslove, 02. Viši referent za otvaranje i signiranje pošte u Odsjeku za administracija Bihać, 03. Viši referent za informisanje i akviziciju u Odsjeku za administraciju Bihać i 04. Referent za tehničko održavanje u Odsjeku za tehničke poslove.

izvršiti nakon provedene pismene provjere znanja.

### II

Kandidati sa Lista uspješnih kadidata iz tačke I ove Odluke putem web stranice Ministarstva unutrašnjih poslova, bit će obavješteni o datumu, vremenu i mjestu održavanja pismene provjere znanja, kao i o oblasti iz koje će se vršiti provjera znanja, broju pitanja i načinu bodovanja.

### III

Pismena provjera znanja obaviti će se u vidu pismenog testa, koji se sastoji od određenog broja pitanja sa opcijskim odgovorima, provodit će je Komisija koju će imenovati ministar, pitanja će utvrditi ministar na sam dan provođenja pismene provjere znanja, te će pitanja u zatvorenoj kovrti ministar dati Komisiji zaduženoj za provođenje pisanog testa pola sata prije početka održavanja pismene provjere znanja.

### IV

Svi članovi Komisije moraju imati isključene mobilne telefone tokom provođenja pismene provjere znanja, a prilikom pristupa u prostorije, u kojima će se vršiti pismena provjera znanja, Komisija je u obavezi utvrditi identitet kandidata i upozoriti kandidate da moraju imate ugašene mobilne aparate, te u slučaju kršenja navedene procedure, Komisija je dužna da udalji kandidata sa mjesta održavanja pismenog testa, uz sačinjenu službenu zabilješku na navedene okolnosti.

## V

Ministar će odabrati najuspješnijeg kandidata sa Lista uspješnih kandidata, nakon provedene pismene provjere znanja, odabrati kandidata sa najvećim brojem osvojenih bodova na pismenom testu.

## VI

Ministar će u izuzetnom slučaju provoditi intervju, nakon pismene provjere znanja, ukoliko se odabir najuspješnijeg kandidata bude vršio između dva ili više kandidata, odnosno ukoliko se na osnovu rezultata pismene provjere znanja utvrdi da dva ili više kandidata imaju isti broj bodova, nakon provedenog pismenog testa.

## VII

Ova Odluka stupa na snagu danom donošenja, a objavit će se na web stranici Ministarstva unutrašnjih poslova.

### O b r a z l o ž e n j e

Ministarstvo unutrašnjih poslova zaprimilo je presudu Općinskog suda u Bihaću broj: 17 0 Rs 115073 21 Rs od 22.08.2022.godine, kojom su obavještenja Ministarstva unutrašnjih poslova broj: 05-03/01-30-405-82/20 od 04.01.2021.godine, broj: 05-03/01-30-405-83/20 od 16.12.2020.godine, broj: 05-03/01-30-405-84/23 od 16.12.2020.godine i rješenja Odbora državne službe za žalbe F BiH broj: 01-30-61/21 od 28.05.2021.godine, broj: 01-30-54/21 od 28.05.2021.godine i broj: 01-30-52/21 od 28.05.2021.godine, nezakonita i kao takva se poništava. U navedenoj presudi je između ostalog navedeno da je predmetna odluka donijeta iz razloga, jer ministar Ministarstva unutrašnjih poslova prilikom odabira najuspješnijih kandidata nije proveo intervju, niti pismene provjeru znanja, niti je primjenjivao opće smjernice, koje su nažalost ukinute, niti je odabir izvršio uz primjenu bilo kakvog drugog propisanog kriterija, donijetog na osnovu internog ili općeg provedbenog akta. Imajući u vidu da je predmetna presuda nanijela štetne posljedice, kako za same kandidate koji su odabrani kao najuspješniji, tako i za Ministarstvo, ministar Ministarstva unutrašnjih poslova je odlučio da odabir najuspješnijih kandidata izvrši pismenom provjerom znanja, na način utvrđen dispozitivom predmetne Odluke.

Broj: 05-01-<sup>30-337, 338, 339</sup> /23/AB  
Dana: 10.07.2023.godine

